



Broj/ Број : 02/2-50-1-9-28-4/05
Sarajevo/ Сарајево : 26. 01. 2005.

Z A P I S N I K

sa 28. sjednice Komisije za vanjsku i trgovinsku politiku Doma naroda Parlamentarne skupštine BiH održane 18. i 26. 1. 2005. godine

Dvadesetosmu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali svi članovi Komisije: Hasan Čengić, Anto Spajić, Vinko Radovanović, Osman Brka i Velimir Jukić, kao i Nevenka Savić, sekretar Komisije. (Napomena: delegat Doma naroda i član Komisije g. Nade Radović je suspendiran Odlukom visokog predstavnika.)

Sjednica je prvobitno zakazana za 18. januar 2005. godine, ali su članovi Komisije odlučili da zbog odsustva predlagača za tačku 6. Dnevnog reda, prekinu sjednicu, pa je nastavak sjednice održan 26. januara 2005. godine.

Sjednici su u svojstvu predstavnika predlagača, prisustvovali: g. Jusuf Kumalić, zamjenik ministra i g-đa Bejta Delić, rukovodilac Odjela iz Ministarstva finansija i trezora, kao i g. Reuf Hadžibegić, pomoćnik ministra iz Ministarstva vanjske trgovine i ekonomskih odnosa, u nastavku sjednice.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio sljedeći:

D N E V N I R E D

1. Usvajanje Zapisnika sa 26. sjednice Komisije;
2. Usvajanje Zapisnika sa 27. sjednice Komisije;
3. Saglasnost za ratifikaciju Sporazuma između Vijeća ministara Bosne i Hercegovine i Vlade Savezne Republike Njemačke o finansijskoj saradnji u 2003. godini – predlagač Predsjedništvo BiH;
4. Saglasnost za ratifikaciju Ugovora između Bosne i Hercegovine i Republike Hrvatske o izbjegavanju dvostrukog oporezivanja u odnosu na poreze na dohodak i na imovinu – predlagač Predsjedništvo BiH;

5. Saglasnost za ratifikaciju Ugovora između Bosne i Hercegovine i Srbije i Crne Gore o izbjegavanju dvostrukog oporezivanja u odnosu na poreze na dohodak i na imovinu – predlagač Predsjedništvo BiH;
6. Saglasnost za ratifikaciju Ugovora između Vijeća ministara Bosne i Hercegovine i Vlade Republike Hrvatske o zajedničkom finansiranju održavanja i pogona regionalnog odvodnog sistema Komarna-Neum-Mljetki kanal – predlagač Predsjedništvo BiH;
7. Saglasnost za ratifikaciju Sporazuma o razvojnom kreditu (Projekat urbane infrastrukture i pružanja usluga) između Bosne i Hercegovine i Međunarodne asocijacije za razvoj (IDA) – predlagač Predsjedništvo BiH;
8. Izvještaj o radu Komisije za vanjsku i trgovinsku politiku za period od 29. juna do 31. decembra 2004. godine;
9. Tekuća pitanja.

Dnevni red je usvojen jednoglasno.

Ad. 1. Usvajanje Zapisnika sa 26. sjednice Komisije

Zapisnik sa 26. sjednice Komisije jednoglasno je usvojen.

Ad. 2. Usvajanje Zapisnika sa 27. sjednice Komisije

Zapisnik sa 27. sjednice Komisije jednoglasno je usvojen.

Ad. 3. Saglasnost za ratifikaciju Sporazuma između Vijeća ministara Bosne i Hercegovine i Vlade Savezne Republike Njemačke o finansijskoj saradnji u 2003. godini – predlagač Predsjedništvo BiH

O sporazumu je govorila i na pitanja članova Komisije odgovarala g-đa Bejta Delić, u svojstvu predstavnika predlagača. Nakon diskusije, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 4. Saglasnost za ratifikaciju Ugovora između Bosne i Hercegovine i Republike Hrvatske o izbjegavanju dvostrukog oporezivanja u odnosu na poreze na dohodak i na imovinu – predlagač Predsjedništvo BiH

O sporazumu je govorio g. Jusuf Kumalić, zamjenik ministra finansija i trezora. On je istakao da ugovor spada u tipske ugovore po modelu OECD (Organizacija za ekonomsku saradnju i razvoj) uz eventualne različitosti oko kojih se zainteresirane strane slože. Cilj Ugovora je slobodan protok kapitala i privlačenje stranih investicija, a istovremeno se njegovo potpisivanje uklapa u osnovne ciljeve ekonomske politike zemlje: model tržišne privrede i priključenje Evropskoj uniji. Nakon diskusije, članovi Komisije su većinom glasova (g. Brka je bio suzdržan) odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 5. Saglasnost za ratifikaciju Ugovora između Bosne i Hercegovine i Srbije i Crne Gore o izbjegavanju dvostrukog oporezivanja u odnosu na poreze na dohodak i na imovinu – predlagač Predsjedništvo BiH

O sporazumu je govorio g. Kumalić u svojstvu predstavnika predlagača. On je rekao da sve što je iznio za prethodni Ugovor, važi i za ovaj, s tim da se ovim Ugovorom priznaju povlastice za nove ulagače koje zemlje potpisnice daju svojim državljanima recipročno.

Nakon diskusije, članovi Komisije su većinom glasova (g. Brka je bio suzdržan) odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 6. Saglasnost za ratifikaciju Ugovora između Vijeća ministara Bosne i Hercegovine i Vlade Republike Hrvatske o zajedničkom finansiranju održavanja i pogona regionalnog odvodnog sistema Komarna-Neum-Mljetski kanal – predlagač Predsjedništvo BiH

U svojstvu predstavnika predlagača, o Ugovoru je govorio g. Hadžibegić. On je istakao da je prvi ugovor koji je regulirao ovu problematiku potpisan 1985. godine, a zatim je 1996. godine potpisan okvirni sporazum sa Republikom Hrvatskom kojim su obuhvaćeni vodoprivredni odnosi dvije zemlje. Značaj Ugovora za obalni prostor Bosne i Hercegovine je nesumnjiv, a članovi Komisije su se interesirali za izvore finansiranja za održavanje, šta će se dogoditi ako javno preduzeće kome je povjereno održavanje bude privatizirano, da li je Republika Hrvatska ratificirala Ugovor, itd. Članovi Komisije su pokrenuli inicijativu da se na ovoj ili sličan način reguliraju i ostali infrastrukturni projekti koji su predmet interesovanja Bosne i Hercegovine i susjednih zemalja.

Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 7. Saglasnost za ratifikaciju Sporazuma o razvojnom kreditu (Projekat urbane infrastrukture i pružanja usluga) između Bosne i Hercegovine i Međunarodne asocijacije za razvoj (IDA) – predlagač Predsjedništvo BiH

U svojstvu predstavnika predlagača, o Sporazumu je govorila g-đa Bejta Delić. Nakon diskusije, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 8. Izvještaj o radu Komisije za vanjsku i trgovinsku politiku za period od 29. juna do 31. decembra 2004. godine

Članovi Komisije su jednoglasno usvojili Izvještaj o radu i, u skladu sa članom 25. stav 3. Poslovnika Doma naroda, uputili ga Domu naroda na razmatranje.

Ad. 9. Tekuća pitanja

Članovima Komisije distribuiran je poziv Agencije za unapređenje inostranih investicija za učešće u radu Drugog poslovno investicionog samita u Bosni i Hercegovini koji će se održati 24. i 25. januara 2005. godine u Sarajevu.

Predsjedavajući Komisije

Hasan Čengić